

KHEN PI-D-

NUNGZUI KHAT BANGA KHANTOHNÁ

1. Topa tawh nisim hun khat patkhiatna	110
2. Pasion Kammal i cih bang hiam?	113
3. Pasion Kammal sinna	120
4. Thungetna	125
5. Pasion awging zakna: Khalam Makaihna ding thubulpite	133
6. Phatna leh Biakna	139
7. Kha Galdona	144

1. Topa tawh Nisim Hunkhat Patkhiatna

- a) **Laisiangtho bulphuhte** Jos. 1:7-8 Jas. 1:22-25
Exo. 34: 29 Lk. 5:16

b) Thupatna

Man a nei leh khantohna lam manawh kizopna khatpeuh ah, kithuzakna pen kizam mahmah hi. Khalamah i khantohna dingin Topa tawh kiho in a thugente i ngaih ding kizam hi. Hih bang tawh eite in nuntakna leh thuman thutak nak ahi Pa Pasion, Tapa Pasion leh Khasiangtho Pasion tawh kizopna khat a lam suak ding hihang.

c) Gamdai hun a kizam hiam?

1. A hizelzel leh a kician gamdai hun in Pasion leh a kammal theina leh telna ah hong khangto sak dinga, ama na i sep nading in hong puah hoih zaw ding hi.
2. Pasion i theihnop taktak a, amah tawh kizom in i nuntak nop leh Pasion thawhkikhohkhopna leh kithuzak zelna pen kizam hi.
3. Ahi ngitnget gamdai hun pen Pasion leh ama lampite tungah i itna leh i kipiakna lahna hi.
4. Gamdai hun sungin lamlahna leh makaihna, a diakdiak in tua ni ading kingah thei hi.
5. Ama deih bang i sep theih nading a i kisapnate Pasion kiang pan i ngah mah bang in gamdai hun sungin tua ni ading puah phatna ngah thei hihang.
6. Gamdai hun ngitnget in i kha tha hong pia, hong thaksuaksak leh hong thahatsak dinga, tua in Pasion hong deih bangin hong nungta thei sak in, a diakdiak in haksat na leh ze-etnate hong phu zo sak ding hi.
7. Kha an leh Pasion kiang pan no suah sak na ngah ding i hih man in, a muibun, a gapha gam dai hun ii kha picin na ah a khantoh nading hong huh ding hi.

d) Gamdai hun khat in khenpi nih nei hi.

1. Thungetna

Hih pen lampi nih tawh Pasion tawh kithuzak na hi. Ama tungah thu gen banga, eitunga thu hong gen nading hun zong i piak kul ding hi.

2. Pasion kammal

Laisiangtho i simna tungtawn in Pasion in thu hong gen hi (Psa. 119:105)

e) Gamdai hun na bawl nading ngaihsutna piaknate

1. Adai munkhat teel in.

Hih pen Pasion tawh na kimuhnading hun ahihman in kuama nawng kaaisak loh ding thupi hi. Gamdai hun pen nanguak in nei le cin hoih pen hi. (Matt. 6:6; Mark 1:35; Matt. 14:23).

2. Hun kician khat teel in.

I mite buai theih mahmah ahihman in, hun awng khat peuh zong kei in la, na gamdai hun ading nikhat bawl zaw in (Dan. 6:10)

Nang aituam nuntakzia tawh kilem pen hun leh ni khat zong in. Ahizong in tua ni pen gamdai hun tawh na kipat ding deihhuai hi.

- I hun hoihpen tawh Pasion kilawm ahimman in na hih theih bangin minute nga sung peuh in tam lak lo in, nisim in hun kician khat khenkhia hamtang in. Pasion in eite hong hopih nading hun i piak ding kisam hi.
- Pasion tawh i hun manphatna pen hun phazah sanga thupi zawkna phawk in.

f) Laisiangtho simna hilhciannate

- Pasion deihna leh lampite na sin theih nading in na sia ding leh na kikuppih ding in Khasiangtho ngen in (Jn. 16:13-14; Psa. 119:18)
- Upna pen Pasion kammal zakna pan hong pai ahimman in Laisiangtho tungtawn a Pasion hong gente sang in (Heb. 3:7-8; Heb. 4:1-2)
- Laisiangtho pen Pasion tungah (thungetna leh phatna ah). nang leh nang in, (Na kha vak in, upna lam in hong khah khiat nading in), leh Satan tungah (Zeisu hihmah bang in a ma hong dona na nan nading in Laisiangtho kammalte genkhia in, Matt. 4:7). Ngaihtak in genkhia in.
- Tua kammal lungngai in (Pro. 4:20-23; Joshua 1:8).
- Thungetna tawh na sinsa tungah dawng kik in la, zang pah in, tua bang in sem in.
- Na Laisiangtho simna tungtawn in Pasion in nang tungah hong guante gelhkhia in.
- Laisiangtho tang khat aih keh nih lotngah in.

g) Thungetna hilhciannate

- Nang pumpi tungah hong sepsak sa na khempueh hangin lungdamkohna leh phatna tawh na thunget hun pankhia in.
- Khasiangtho in hong phawksak mawhna khatpeuh leh maisak loh lungsim puak khat peuh pulak in.
- Nang aituam a na kikap nate Pasion tungah ngen in ko in la, upna tawh na nget ding phawk in (Phil 4:19; 2Pet. 1:3; Matt 6:33; 1Jn. 5:14-15)
- Midangte ading thungen in ngetsak (a kikal ah om) in. Gentehna in, a kikhel nailo lawmte leh meltheihte, na pawlpi, innte(house group), kumpite ading, missionary-te ading cih te. Khasiangtho lamlahna mang inla, Pasion kiang na ngetteh kiciansak in.
- Hong dawnsa na thungetnate hangin Pasion tungah lungdamkoh ding phawk in.
- Pasion in nang tungah a tuam in hong hopih nading hun pia in.

h) Hih pen thupi hi

- A kileek kim gamdai neih ding (Laisiangtho simna ding leh thungetna ding hun nei tuak ding.)
- Ni khat sung a hun hoih hun phate zatpah ding phawk in, na gamdai hun sunga Pasion tungpan na sin sate hawmsawn in (James 1:22)
- Ni khat suang tawntung Pasion tawh kizom in thungen bang in om den in (Luk. 18:1).
- Nipi kal khat sungah Pasion kammal a thukzaw a sin nading leh a khauh paizaw thunget nading in hunpia in.

i) Dotnaleh kikup khopnate

1. Pasion kammal sinna ding leh thungetna ding in nisim in hun khatta na pia ngitngat

ta hiam?

2. Pasion tawh nang kithuza in, Pasion in nang thu hong zacak nai hiam? citak in!
3. Pasion in ama kammal (Laisiangtho). tungtawn in bang hong gen khinzo a, tua bangin na gamta pah khin hiam?
4. Nungzui na suah cil sang tu in Pasion na thei zaw ta hiam?
5. Gamdai hunkhat na neih khit teh, na hun na mite hong kilamdangsak hiam?

j) Tomlakna leh zatpahna

1. Nisim in Pasion tawh kimuh khopna leh amah tawh kizopna i sin nading hun i zat dingin, Pasion in amah tawh kikhawlkhawm ding in hong bawl hi.
2. Amah tawh i kikholkhop ngitnget (gige) keileh bel Pasion tawh kinch taka kizopna nei lo ding hihang.
3. Amah kua hi a, mihingte ading bang hong deihsak hiam cih a bawlsa mite in a theihtheih nading in Pasion kammal kigelh hi. Tua hi-a, ama nungzuite i hih nop a leh, Pasion kammal sim ngitnget in tua tawh i nuntak ding ahi hi.